

光緒山西通志

營制略下

略六之二

山西通志第七十八

賜進士出身頭品頂戴兵部侍郎兼都察院右副都御史巡撫山西提督軍務張煦奉

旨監修

練軍

捕盜營附

歷年兵事

前代兵制

綠營練軍見設馬步隊十七營旗官弁六十人兵夫四千六百三十名

營冊光緒十年巡撫張奏請選練主兵酌改營制減兵加餉十一年二月經部覆議準晉省綠營就餉挑練核定馬隊每旗官弁兵夫一百九十六員名馬一百五十六匹步隊每營官弁兵夫五百五員名步隊每旗官弁兵夫三百三員名除官弁人夫共應挑練馬步兵四千一十名應練馬兵卽就各營馬兵挑充應練步兵卽就各營步兵挑充

統計撫標挑練馬隊一旗步隊二營太原鎮挑練馬隊二旗步隊四營大同鎮挑練馬隊七旗步隊一營其營哨各官準於實缺候補中一體遴選原議營官以副參遊兼官哨以千總左右哨以把總見說營旗官自都司以上哨官自把總以上皆通同選用

總統官巡撫兼提督一人

撫標精兵練軍馬隊旗駐劄太原府

旗官一人 哨官二人

兵夫一百九十三名哨長一名 什長十五名 親兵四名

馬夫十八名 大夫十八名 兵馬一百五十六匹什長及各兵每名一匹

撫標精兵練軍步隊左營駐劄太原府

營官一人 哨官二人

兵夫五百名哨長四名 什長三十八名 親兵六十名 護兵二十名 正兵三百三十六名 火

夫四十
二名

撫標精兵練軍步隊右營駐劄太原府

營官一人 哨官四人

兵夫五百名同前

分統官太原鎮總兵一人

太原鎮標練軍馬隊左旗駐劄汾州府

旗官一人 哨官二人

兵夫一百九十三名 兵馬一百五十六匹並同前

太原鎮標練軍馬隊右旗駐劄安邑縣運城

旗官一人 哨官二人

兵夫一百九十三名 兵馬一百五十六匹

太原鎮標練軍步隊前旗駐劄蒲州府

旗官一人 哨官二人

兵夫三百名

哨長二名 什長二十四名 親兵八十名 護兵八名 正兵一百六十名 火夫二

十六名

太原鎮標練軍步隊後旗

駐潞澤州府

旗官一人 哨官二人

兵夫三百名

同前

太原鎮標練軍步隊左旗

駐割平陽府

旗官一人 哨官二人

兵夫三百名

太原鎮標練軍步隊右旗

駐割潞安府

旗官一人 哨官二人

兵夫三百名

分統官大同鎮總兵一人

大同鎮標練軍馬隊第一旗

駐劄山陰縣香岩寺

旗官一人 哨官二人

兵夫一百九十三名 兵馬一百五十六匹

大同鎮標練軍馬隊第二旗

駐劄陽高縣

旗官一人 哨官二人

兵夫一百九十三名 兵馬一百五十六匹

大同鎮標練軍馬隊第三旗

駐劄薩拉齊達舍太

旗官一人 哨官二人

兵夫一百九十三名 兵馬一百五十六匹

大同鎮標練軍馬隊第四旗

駐劄南遠廳舍必巖

旗官一人 哨官二人

兵夫一百九十三名 兵馬一百五十六匹

大同鎮標練軍馬隊第五旗

駐劄歸化廳察素齊

旗官一人 哨官二人

兵夫一百九十三名 兵馬一百五十六匹

大同鎮標練軍馬隊第六旗

駐劄代州陽明堡

旗官一人 哨官二人

兵夫一百九十三名 兵馬一百五十六匹

大同鎮標練軍馬隊第七旗

駐劄大同府

旗官一人 哨官二人

兵夫一百九十三名 兵馬一百五十六匹

大同鎮標練軍步隊一營

駐劄薩拉齊廳包頭鎮

營官一人 哨官四人

兵夫五百名

凡營制分前後左右中五哨營官一員自帶中哨馬隊營中哨哨長一名馬夫一名火夫一名什長五名親兵四十五名分爲五隊以一隊爲一棚每棚馬夫一名火夫一名前後左右四哨每哨哨官一員護兵三名馬夫一名火夫一名什長五名正兵四十五名亦分爲五隊以一隊爲一棚每棚馬夫一名火夫一名四哨並同步隊營中哨親兵什長六人親兵六十人各分爲六隊以一隊爲一棚每棚火夫一名前後左右四哨每哨哨官一員哨長一名護兵五名火夫一名每哨八隊內兩隊擡鎗每隊什長一名正兵十二名火夫一名餘六隊每隊什長一名正兵十名火夫一名四哨並同凡旗制分中左右爲三哨馬隊每哨分

爲五隊並同營制步隊每哨分爲八隊中哨每隊親兵一

十名左右兩哨每哨護兵四名每隊正兵十名餘同營制

凡薪公饗銀營官月支薪水銀五十兩公費銀一百兩旗

官月支薪水銀四十兩公費銀八十兩

步隊旗官薪水銀三十兩公費銀六十兩

十哨官月支薪水銀十二兩馬乾銀六兩

官由候補另派者專支薪公由實哨長月支口糧銀六兩

馬乾銀三兩以上皆什長月支口糧銀三兩六錢親兵護

兵並月支口糧銀三兩三錢正兵月支口糧銀三兩馬夫

火夫並月支口糧銀二兩一錢馬每匹月支乾銀三兩

並扣計馬隊每旗官弁兵夫九十六員名馬一百五十六

匹歲支饗銀一萬四千二百三兩三錢七分步隊每旗官

弁兵夫三百三員名歲支饗銀一萬二千四百一十兩五

錢二分每營官弁兵夫五百五員名歲支餼銀二萬六百

一十六兩六錢所練馬步十七旗營通年共需餼乾銀二

十五萬三千五百二十八兩有奇並就底餼及規復節省

各銀兩動支附錄原奏光緒十年四月巡撫張奏為籌

虛糜而久計繕單繪圖奏祈聖鑒事竊惟綠營積

弊無可挽回勇營餉章營制均勝綠兵而其病在隨將領

為去留不與地方相維繫且習水土亦往往有遷地弗

良之時是以臣於光緒八年六月十二日條奏晉省事宜

疏內即經議有練主兵一條嗣於八年十二月二十六日

奉一摺前因各省辦理軍務於制兵之外添募勇丁疊經

諭令裁減現在各省尚存防勇二十餘萬歲需餼項為數

甚鉅不可不圖節如該部所稱各該省制兵缺額數

日並將現存兵汰去老弱廢疾或再酌裁以補其缺

與現裁兵額悉擇防勇之精壯者挑補仿直隸章程為

練軍其餘設法裁撤自係為節省餉需補救時艱起見著

大旨見撫等就該省情形悉心酌度奏明辦理等因欽

此諭旨謹將邊腹地形營制詳加審察與司道等暨太原

大同兩鎮總兵往復籌商規畫略具擬將通省綠兵減額

加餉一律改爲練軍大率參制兵勇營之制而用之
營化板爲活惟惡考湘淮營制及直隸軍餉章擇其最
整者已三倍於精進之功先貽不虛之慮是練兵亦難
裁三者併一未見臣既武備之修復感需之難節不
得已建爲二議惟慮聖明採焉查晉省兵額合省標
兩鎮共二萬一千七百六十七人馬兵居七分之二
通口內外設四軍撫臣兼提督馬兵居七分之二
各統一軍外七廳跨遼南數千里東涉察哈爾西界
北套盡屯重兵以備戰守目前雖有樹軍及大同練軍
以來俱屯重兵以備戰守目前雖有樹軍及大同練軍
劄按巡究非經久定擬設歸化鎮掛印總兵官一員
守山西口外七廳地方該鎮亦統一軍每軍皆四千人
督向不轄地方惟向中權必使兵力略厚方足
馬步共一轄八省惟會左右二營精兵左右足
以握控制之勢四縣之南今擬兼省東之忻州各營
改歸提督屬東四縣之南今擬兼省東之忻州各營
外相維輕重相標設馬步親軍一營務使一營三鎮
六營一旗共相標設馬步親軍一營務使一營三鎮
鎮各設步隊親軍一營務使一營三鎮
馬兵五百人並營管轄以均兵力
四屬地歸大同鎮添設之積口營管轄以均兵力

鎮地居塞外利在馳騁騎兵宜多擬設步隊親軍一營馬
兵六營以五百人為營馬營半之地方較簡者一萬六千以
三百人步為旗布裁汰者約居三分之一有奇亦易就理此
人尚不敷分其釐數通年共需廉俸銀九十六萬四千
為第一議核本省錢糧額米一萬餘石豆七千六百餘石
十萬兩查近年本米五萬餘石軍練軍通年需銀五萬八
通年亦應銀八萬兩以上擬以樹軍較然同治七年防兵
約八省南木陸各營用銀九萬兩機營及天津馬步洋鎗
年問省銀六十七萬二千兩外即至光緒五年七萬兩加
際尚不在內需亦二百萬兩至光緒五年七萬兩加
綠營額練綠營各餉均在外十萬兩上而各州縣自募之
需防練之數不與焉臣必以軍重難行則請募緩以化
勇較所省多矣分爲三軍每軍亦四千人則請募緩以化
相較之議擬通省分爲三軍每軍亦四千人則請募緩以化
設鎮名標與太原鎮兵數俱如前議惟馬隊通少萬
二千名標與太原鎮兵數俱如前議惟馬隊通少萬
擬大鎮設馬兵一鎮步三鎮口俱如前議惟馬隊通少萬
理於標太原大標三鎮內各抽一營較緩者抽調往防
大同鎮抽營者標太原大標三鎮內各抽一營較緩者抽調往防
外分節制應歸內地邊防尚可勉力兼顧計通省三軍馬
總兵節制應歸內地邊防尚可勉力兼顧計通省三軍馬

去晉於次年二月經部議以四軍需備過多依原奏改設
也官氣漸厚化入戰五利也專習火器六利也長爲
利也力屯聚易練二利也虛伍考利也騎有專營七利也
一五年後風氣自開如此辦法其利約有十端便捷四
三壯可用省南北大期州武府保德一兩州人皆
撲漸振立條章不掇州縣必用晉人可保使兵日強
氣須嚴查省南北大期州縣必用晉人可保使兵日強
亦須嚴查省南北大期州縣必用晉人可保使兵日強
樹軍侯綠營裁改既定行遣撤以節餉需其練軍補現
者卽子罷斥才堪造就者分留各標爲裁缺另補現
以爲未弁壯兼可暫存守兵爲巡緝地方之用聊藉
練額設民壯十員分駐於各州縣及要隘處所資令
外委一也至裁留將弁無所益此微臣之慮所擬留
敢出必致備禦空虛若再求節省或減餉數若非
計籌急練有無多兵即非經久之款總之餉省自固
備爲急練有無多兵即非經久之款總之餉省自固
以裁畢所費無多且非經久之款總之餉省自固
請通省督守兵四千人按原額支餉亦斷不難符
幾與相等即使將缺贖老弱查裁盡淨亦斷不難符
爲第二議但照此計則防餉則較少於一萬二千人
較之額則加多防餉則較少於一萬二千人
步一萬二千人通年共需廉俸銀七十一萬二
較之額則加多防餉則較少於一萬二千人
較之額則加多防餉則較少於一萬二千人

三軍準將減成之饑規復原額實銀五十萬三千餘兩外
仍短銀十五萬九千餘兩飭另議餉核辦事者遂定
就餉挑練之議前後裁兵五千九百名以所裁餉合之復
額成下得銀十九萬二千餘兩練軍如今額自是裒管除
精壯就挑外存兵一萬餘名愈成虛伍矣不但非張撫改
制本意實亦未嘗遵照部議也當時張臣動以庫款告竭
爲詞未幾議內府封儲歲以十萬進議旗營
加餉歲以二十萬進皆奉 特旨嘉獎云

晉政輯要凡肩冬令合省通衢暨緊要地方由撫標並太
大二鎮練軍馬步十七營分爲中南北三路按段巡緝自

十月出防至次年二三月撤回 中路自省城起東至平

定州屬之固關孟縣屬之中社汛止東南至榆次縣屬之

王胡鎮遼州屬之雲頭關黃澤關和順縣屬之松煙汛止

南至太原縣屬之小店鎮止北至代州屬之雁門關止由

撫標練軍馬步三營旗巡緝 馬隊旗分管鳴謙驛什貼鎮

五處 步隊左營分管張淨鎮測石驛賽魚村平定城西
郊鎮柏井驛固關中社鎮西家莊冶頭村泉落鎮北塔鎮

松煙鎮平王莊遼州城長城鎮雲頭底黃澤關榆社城葛
城鎮沁地二十一處步隊右營分管十里鋪陽曲灣黃
土寨三和店麻會鎮城北開祁村鎮二十里鋪平地泉原
平鎮南陽店城南關王東鋪陽明堡城西國試刀石前
鋪傅家坪汛南路自太原鎮駐劄之平陽府起東至潞安
地十九處

府屬之黎城潞城壺關三縣澤州府屬之陵川風臺二縣
各邊隘止東北至祁縣之紫紅鎮止西南至蒲州府屬之
永濟臨晉榮河三縣絳州屬之河津縣止西至平陽府屬
之吉州鄉甯縣各邊隘止北至太原縣屬之小店鎮止西
北至太原府屬之文水縣汾州府屬之永甯州各邊隘止

太原鎮標練軍馬步六營旗巡緝馬隊左旗分管汾州城

王義村永甯城方山壁馬坊村文木城孝義城平遙城
蘭鎮介休城兩渡鎮靈石城韓侯嶺小店鎮徐溝城羅村
鎮祁縣城白圭鎮王胡鎮訊地二十二處步隊左旗分
管平陽府東關趙曲鎮史村驛高頭鎮侯馬驛絳州城
揚趙陽城山城河津城洪洞城趙城縣辛置鎮霍州城
莊鎮仁義鎮曲亭鎮晉縣鎮阜城關喬村鎮良馬鎮鳳儀

鎮古城鎮三官峒鄉甯縣汛地二十七處步隊右旗分
管潞安城鎮東西關大義鎮蔭城鎮固城鎮紫紅鎮龍子嶺聚
余吾驛廐亭鎮沁州城權店鎮南關鎮襄垣城盤龍村汛地
域縣樹園辛村鎮張井村黃碾鎮襄城底村攔車鎮高都
二附府鎮陵川城巴公原喬村騾高平城窰子村長平驛
鎮附府鎮陵川城巴公原喬村騾高平城窰子村長平驛
漳店鎮長子城萃川鎮李寨村周村鎮地二十三處
村鎮富店鎮沁水城王寨鎮東郭鎮喜城鎮東郭鎮口村
沃城縣東關翼城縣龍化鎮西郭鎮陶村鎮東郭鎮口村
城二十里店郭鎮夏縣城張店鎮茅津渡汛地一十九
處區步隊前旗分管蒲州城府東關黃龍鎮栲栳鎮韓陽
鎮區河鎮風陵渡永樂鎮小里渡臨晉城孫吉鎮王顯鎮
廟前鎮王黑鎮賈村鎮解店鎮薛村鎮趙伊鎮虞鄉城古
市鎮荷氏城牛杜鎮船陽店鎮薛村鎮趙伊鎮虞鄉城古
鎮七級鎮汛地二十五處北路自大同鎮駐劄之大同府
起東至天鎮縣屬之枳兒嶺止南至代州屬之雁門關止
北至豐鎮屬之張皋兒止西北至薩拉齊廳屬之纏金
止由大同鎮標練軍馬步八營旗巡緝馬隊第一旗分
峪口岱岳鎮德州城大峪口第三作左雲城吳家窰偏嶺
口黃土坡汛地十一處馬隊第二旗分管枳兒嶺鮑家

屯西三十里鋪陽高城聚樂鎮東三十里鋪府北縣得勝
口高山城李入莊汛龍灘甯遠城舍必巖土城子石人灣
陞盛莊天城村臥龍十處其和以力更哈樂爾天和泰天
角鋪崗不齊汛地公壩可馬隊第五旗分管台格木畢
隊第六旗分管吳公壩可馬隊第五旗分管台格木畢
木國廠漢此勞汛地六處馬隊第五旗分管台格木畢
齊克齊察素齊托斯河托克托城什爾證清水管河城汛地
七處托清兩廳全境仍歸梭巡馬隊第七旗分管薩拉
齊包頭鎮南海子麻池公胡洞石拐子毛狐洞汛地七處
西山嘴及河西地面概歸梭巡馬隊第三旗分管昆都
哈後口臺梁奴氣口大奈太府恆與經金汛地五處
步隊營駐劄包頭鎮操防彈壓兼爲口外各路策應歲共
支煤炭銀一千兩

七廳捕盜營附

營册光緒十年署巡撫奎奏請仿直隸口北三廳設凡歸
化城薩拉齊豐鎮甯遠四廳兵各四十人清水河托克托
和林格爾三廳各三十人皆以外委領之而節制於廳員
經制外委七人 額外外委七人 兵丁二百五十人

營馬二百六十四匹

歲支饒乾銀一萬四百二十六兩八錢

除減成實支銀八千一百二十

一兩一錢四分八釐於
豐甯新地租銀內給發

右練軍

順治元年五月流賊李自成遁還陝西八月

大兵進平山西敗僞將李過於大同擒僞伯陳永福於太原
分兵南下所在州縣多殺僞官來歸全省悉定十二月
大兵自山西進征流寇

開國方略元年六月大同巡撫姜瓖言近殺賊首何廷相
等撫定大同等處七月遣固山額真葉臣等率將士平山
西一路八月自成僞總兵李過自新安糾賊三萬犯府谷
逼大同大兵擊之賊殪過半李過中創竄歸綏德聲言欲

渡黃河來犯葉臣奏臣等出固關進平三晉所至迎降偽
伯陳永福據太原我軍攻克之五州二十縣皆降十一月
山西巡撫馬國柱言我軍勦賊汾州追至永甯青龍進下
平陽全省悉平 命英親王爲靖遠大將軍同吳三桂尙
可喜等由大同邊外會諸蒙古赴榆林延安 命都統阿
山馬刺希副都統阿尼堪等由蒲州濟河協勦流寇
先正事略流賊李自成遁陝西其黨猶分踞太原平陽李
敏莊公國翰與都統葉臣等合兵攻克太原復分兵勦賊
於汾西山西旣平隨英親王阿濟格征陝西 石忠勇公
廷柱帥師勦撫山東郡邑復會都統葉臣攻克太原山西
河南賊寇悉平之 師圍太原襄勤公佟圖賴獨率數騎
東西繞城相形勢城中兵突出且邀擊之來若風雨從騎

皆失色公控馬大呼目光如電賊兵當之盡靡引北將入城大軍一麾乘之城遂破實奇捷也

舊通志順治元年九月十三日大兵至太原偽文水伯陳永福遣賊四出搜野爲固守計時西洋神礮未至休士馬以待十月初三日礮至集西北角擊城永福勒馬城頭指揮時垣立毀十餘丈大兵擁入賊衆遁城外伏兵四起殺賊盈野永福乘亂奪東門南遁大都督孟下令兵集城頭秋毫無犯

榆次縣志李自成僭號以三原人蕭恒僞尹榆次自成敗西奔榆次人逐蕭恆閉門拒守賊至急攻頃刻而陷屠殺數千人

太谷縣志自成敗回以三百餘騎薄城下僞知縣周士

達拒不納自成怒益兵攻之陷城東北隅以入屠戮二萬七千餘人

吉州志元年十月大兵至黑龍關蒲縣人衛敏起兵初十日破城僞知州潛遁

蒲州府志元年六月賊西遁十月初一日僞防禦使吳

養德僞州牧劉修道棄城遁僞臨晉縣令柳化楠猗氏

縣令許廣大並逃

案閭賊改巡撫曰節度使兵備日防

正統兵曰權副德兵曰制

守備曰守旅把總曰守旗

潞安府志大兵自澤州北上賊將劉忠逃去僞防禦使

孫明翼僞府尹師心知僞長子縣令劉延歷屯留縣令

張士英以次伏誅劉忠復來寇署冀南道馮聖兆嬰城

固守十月大兵自太原赴援圍解

大兵略太原賊知城虛故復至百道仰攻

縛雲梯穿地道幾至失陷
城上守禦嚴密因得保全

永甯州志都司崔有福降賊後聞賊敗遂據州城執偽
知州聚鄉兵掠甯鄉臨縣八月賊移兵圍城四鄉大掠
城中士民死守二十五日東北城崩黃昏有福遁城破
屠戮殆盡官民廬舍焚燬無算在城生員被殺者百七
十人十月官軍至賊始逸去

鳳臺縣志賊將劉芳亮據澤州大兵至乃潰九月賊劉
忠攻破葦町堡

高平縣志九月餘賊攻高平署縣周再勳拒守

陽城縣志十月賊劉忠由潞安至城下攻圍十一日邑
人堅守時有潘貞者善火礮發無不中賊遁

大同縣志李自成入大同留偽將張天琳守之天琳凶

暴閱兩月陽和軍民約鎮城軍民內應殺天琳

平定州志五月初七日李自成自燕京敗歸州人閉門不納偽將陳尙智開東門入盤踞數日而去

忻州志闖敗西歸州爲偽將柳同春所據兼轄定襄聞大兵已拔代州等邑同春潰走定襄破堡寨掠婦女地方多所蹂躪撫院飛檄招撫同春引衆赴省所掠婦女索錢贖贖

安邑縣志元年六月賊敗歸屯兵安邑勒百姓運鹽於陝西十八日賊王小溪等陷城八月自蒲敗回復入運城九月開東南門遁

垣曲縣志元年九月金都督奉命撫綏駐師懷慶遣賈得勝知縣事擒偽官麻紹繫獄紹密約賊襲城廩生

魯聖學詣都府請兵防禦賊道官兵撤回二十四日黎
明賊擁衆數萬四面重圍礮擊甕城城遂陷賊縱火焚
大樓死者不可勝紀

二年正月英親王自保德州進軍陝西賊將高一功來犯擊
走之六月宣大總督李鑑山西巡撫馬國柱分勦各路土寇
以次悉平

聖武記正月英王及三桂邊外軍從保德結筏渡河入綏

德克延安

逆臣傳姜瓖隨英親王征陝西保德甯武界斷
流賊糧道榆林東西各堡聞風投順偽總兵高

一功自延安出犯保德甯武瓖率所部
並調業古兵迎擊斬瓖無算一功遁去

李鑑傳六月擢宣大總督駐大同時山西土賊乘間竊發
妖婦崔氏倡偽善友會自稱都掌教偏關甯武岢嵐諸屬
村莊多爲煽惑黑草嘴賊渠白千侯運庫朔州賊渠武大

寬等分路響應所在殺掠鑑令副將侯大節率兵奮擊擒
斬大寬朔州賊解散會友營賊餘葉數百入善友教與蔣
家峪賊渠邢四等聯聲援攻破八角堡梨樹窰等城據守
許林堡副將尤可望率兵追擊不利鑑檄大節乘勝截擊
令參將柳同春蔡調羹都司薛敏恩尙嵐道于重熙分兵
協勦陣斬崔氏及賊黨邱道等擒白干邢四斬之焚其巢
窟餘葉盡殲又孟縣土賊呂斗等據寨拒捕旋經巡撫馬
國柱討平之舊志衛州允巡按直隸孟縣土寇崔熙亭韓嗣昌等倡亂勢延平山允麻檄井經道邱萬

並山西巡撫合勦

嵐縣土賊高九英者曾爲甯武總兵高勳所撫

至是復叛鑑與撫臣分檄官弁擒斬之殲其黨百餘人

交山平寇本末二年五月嵐縣賊高九雲率眾圍縣城巡
撫馬國柱檄署副將遊擊某率兵三百馳救之九雲收束

遁園之山寨圍柱大發兵往赴圍困十餘日夜大雨九雲

乘不備越圍北遁官兵追擒之九雲居嵐縣吳家莊夙爲盜魁有妖民王某遇之伴

大驚說以天命有歸取水一盂命九雲鑑之則垂旒衣龍

左右宮扇儼然王首儀驚且喜信之下疑王復言文武將

佐諸人俱不遠手出一册則皆近山居民姓名九雲悉呼

至以次觀水中大小將相冠服悉現潭山煽動且說九雲

先聚衆破嵐縣首事請得二千金往各縣號諸應運者起

兵來會九雲斂金二千命二人與俱至澤州王約其黨殺

二人挈金去

三年七月垣曲土賊踞山劫掠討平之四年五月復起尋爲

官兵所殲九月孟縣妖民作亂延及五臺旋卽剿滅

垣曲縣志三年七月賊張五王小溪千有餘人嘯聚山

谷劫掠村落平陽營程副將平垣營蕭遊擊督兵討平

之四年五月邪教高飛凌尙萬等盤踞山谷爲亂撫

憲檄平潞各營兵進剿之焚其巢地方以安

陽城志邪教高飛王

希堯擄展金照照
龔等村剿除之

翼城縣志流寇餘黨倡爲哈哈教竊據東山兜梁寨扇惑愚民脅從日衆將爲亂邑令趙昉密請剿除擒獲無算盡殺之河雲溝中

孟縣志四年九月北鄉叛民李化龍結聯邊賊自謂正符護身一方煽動沿路焚掠直攻南門礮斃守卒城垂陷守道王鏞與參將李好賢率兵赴援至小坪嶺賊分衆迎敵破之餘黨敗遁

陽曲縣志四年土寇張龍泉率萬人下崛嶠山掠呼延村村民倚寨固守請官兵討平之

五年九月西山賊起巡撫祝世昌發鎮軍分路進剿十月調滿營及大同兵會之擒斬賊首梁四等平其四寨餘黨潰走

交山平寇本末順治五年禁民間不得畜馬九月巡甯副使王昌齡遣標下千總路時運入山巡查路故貪黠率五十餘騎至交城靖安堡諷把總尤玉入山歛村民金玉不從路乃舍其騎於堡身從數騎入集村民大言脅之民忿甚有梁四張繼成王顯明齊三夏張成志者直前拔刀砍之首立斫縛其從騎徑抵靖安堡劫降尤玉去堡東百里岔口村故有太原千總溫師珩統兵三百駐守名曰貼防賊以近腹心連夜率眾襲之適師珩聞變悉兵南出猝與賊遇大敗賊乘勝追至岔口遂分路四出劫掠村邑遠近山盜一時響應最著名者爲靜樂之河北莊賊武安宇永甯之龍王山賊李崇孝與裴家馬坊賊裴奇芳樹林村賊六豹裴家馬坊者距孝文山西北五十餘里處交靜臨嵐

各界間故爲太原左衛裴指揮屯田地居民千餘家四圍石牆內有樓曰孟樓高十餘丈爲層十數可望數十里有裴四者與姪武舉裴奇芳皆勇悍且家富饒裴四投王昌齡標下效用奇芳家居聞梁四等起事慮爲所掠亦聚眾起而武安宇者故與奇芳善遂並發九月巡撫視世昌調甯武副將李吉老營堡參將羅映壇汾州營參將甯獻功署偏關參將張柱石撫標左營遊擊李好賢會合各部兵三千勦馬坊龍王山河北莊童子崖樹林村各賊檄王昌齡偕太原營參將賈恩遊擊高國盛守備苗成龍千總陳倫李惠民等統兵二千往剿梁四十九日昌齡令國盛部兵五百自靜樂入而自同賈恩陳倫李惠民由交城水泉灘入二十二日昌齡兵至岔口命溫師珩爲導明日戰於

柴長村官兵敗死者數十退兵岔口其夜梁四張成志入

鍊銀山其國盛兵入靜樂至樓煩鎮前哨報王顯明尤玉

屯南山頂國盛督兵進攻賊烏槍疊發官兵多中傷退兵

靜樂世昌旋激國盛回省

國盛初至靜樂與甯武道金某遇駐兵會飲醉相爭國盛拳擊

金爲所揭也昌齡攻鍊銀山數日賊守堅甚兵多死退至梁家

莊其夜賊以千餘人砍營入復退至靖安堡會世昌遣兵

三百運糧至乃大犒兵眾三日出堡十餘里遇賊下令殺

一賊賞銀五兩生擒者倍之眾奮勇競進殺賊百餘人有

驍賊號九條龍者亦爲部卒所擒收兵行賞而世昌所謂

滿漢兵二千亦至軍聲大振梁四遣人乞降滿營將領艾

松不許進兵攻之千總邱某死於礮守備李進忠率兵五

百運糧千石入山賊伏兵石鎖關側前後夾擊五百人無

得脫者報至舉軍喪氣諸將議退昌齡曰賊破在旦夕兵如非割之復生多殺何害乃築長圍以困之初各路將奉世昌令刻期會兵十月初二日李好賢統標兵五百調利民營五百李吉統甯武兵五百東路營五百至樓煩駐十餘日乘間攻河北莊山險賊眾不利深入復遣樓煩會所調利民兵至遂從進牛口至嵐縣普明莊遇老營將羅映壇合兵抵臨縣間賊方劫永甯中第村進至峪口鎮與汾州營甯獻功張柱石等合諸將會議以眾賊連衡彼此應援難成功當分路進剿一取馬坊一攻龍王山使賊各不相顧二十五日李吉等至馬坊裴奇芳置其家屬於孟樓悉力拒戰而間道使人求救於王顯明武安宇十一月初二日顯明果糾黨數千至吉偵知分兵設伏以待賊至夾

擊大破之王國元張縉成皆中箭死顯明安宇四散走其
夜用火緘四面射入堡中火起兵乘以入奇芳登孟樓盡
殺其妻子縱火自刎賊黨擒殺無算馬坊旣破吉與映壇
復分兵剿靜樂雁門村童子崖大夫莊賊黨好賢率所部
由永甯境峪口東出往鍊銀山助攻梁四其龍王山賊李
崇孝於二十六日乘官軍遠來疲困驟出迎擊獻功柱石
並敗走賊乘勝追逐二十餘里適大同鎮遊擊高之蛟以
騎兵六百馳至大破賊追至山頂賊馳入寨門未及閉追
至僅閉二寨門自守官兵絕其汲道亦於十一月初二日
破崇孝縶其妻子從後山走至交山爲汾州道標兵所獲
解至省斬之各賊俱平獨鍊銀山攻久不下艾松令各營
分番遞攻滿營兵先進傷礮石死者十數乃扼東西寨門

絕其汲道而令好賢等盛張旗鳴金鼓由別道至寨下偽爲新軍者賊登寨望怖恐因遣人傳諭能下山降免一死梁四果遣窰匠申標詣營乞撫昌齡啗以重利令殺賊首自拔標歸乘間擄梁四墜寨下死張成志棄寨東走好賢追至三座崖擒回斬之鍊銀山平時十二月七日也明日回軍靖安堡探兵報王顯明尤玉攻汾州羅城甚急乃分步兵踰山南出騎兵盡從水泉灘出山期日午會於羅城其夜至文水二鼓世昌令箭至以大同變盡撤諸軍回省十二月大同總兵姜瓖反英親王自陽和進軍與戰敗之圍其城明廢官商練據偏關應賊偽將姜應勳等分陷朔州甯武岢嵐諸城府西各衛

東華錄五年十一月以喀爾喀都克楚虎爾行獵向我邊

界遣英親王等統兵駐大同十二月初二日大同總兵姜瓖閉城叛英親王聞之初四日圍其城固山額真巴顏等載紅衣大礮赴大同軍攝政王獄至岔道復遣梅勒章京阿羅塞等統八旗兵赴英王軍前

平寇本末姜瓖陝西榆林人故明大同總兵也聞賊之犯京師經大同瓖不戰迎降及國朝破遂闖賊瓖以城降攝政王仍其職授之部下故多驍勇久蓄異志及見交山亂愈心動思逞適聞英王至大同行圍十二月初六日瓖與總督耿飗俱出城迎方過玉橋至東塘坡遇標下材官王副將者從京馳馬報瓖言英王來且縛總戎瓖馳還城一軍盡叛殺牧馬滿兵率部下襲擊英王追至陽和方回遣姜建勳等分圍各屬邑時李吉才平雁門村賊聞變馳

回甯武敵兵固守乃標下材官劉偉李秀楊兢山等已陰受瓌總兵副將等劄遂於十八日殺吉並甯武道金某與建勳連兵於時老營堡參將羅映壇利民堡參將劉秉鉞偏關署參將張柱石及水泉河保等營將備俱望風降附偏關故明鄉官萬練遂自稱偏關道全晉震動初十日英王自陽和整兵至大同瓌迎戰敗入城王列營圍之四面作壕防其奔逸十五日世昌命艾松高國盛守備楊應麟干總梁汝貴統滿漢兵守代州令王昌齡率干總張勇朱國忠統馬兵往大同王營議兵十八日又令李好賢率干總闖進福守忻州又令干總常道明率兵協同李吉守甯武道明至崞縣元岡村聞甯武兵變李吉被殺馳報世昌世昌遂令道明回守崞縣二十八日令好賢署甯武副將

闕廷福署守備檄太原推官王允祚署甯武道事同汝賢
守忻州二十九日王昌齡從大同歸聞東路參將呂繼盛
係姜瓖義子挾回省

朔州志瓖飛檄安官遣逆黨姚姓者襲朔州守備張楹
陰與姜通有從逆意兵備道朱子玉下張於獄中軍康
某帶刀入署宋疑其反厥責之康舉刀授宋宋接刀手
刃康仆地康之子執刀奔入署宋自刎死衆遂出張守
備於獄奉爲總兵張縱兵大掠通判楊達爲亂兵所殺
搶入州衙刀穿知州王家珍胷骨拉於市碎割之兵民
大亂

六年正月賊黨戕冀甯道王昌齡於崞縣原平驛遂陷忻州
明廢官劉遷起兵應賊破繁峙攻代州二月渾源州陷敬謹

親王至太原與賊戰敗之定忻州進圍甯武

逆臣傅劉遷者亦明廢弁也利亡命受僞左大將軍職略

雁門關及代州繁峙五臺等邑太原告警巡撫祝世昌連

疏請兵遣敬謹親王尼堪鎮國公喀爾楚運輔國公穆爾

祐率禁旅赴太原都統庫魯克阿賚分兵敗賊於石嶺關

賊退據忻州復進克之追剿屢捷斬僞巡撫姜輝平寇本末六年

正月朔六日世昌復令昌齡解饌銀萬兩借張勇在大同

並請恢復甯武令賈恩鎮守原平驛昌齡與恩行至原平

值甯武叛兵與建勳等攻固原縣聞昌齡至怒曰是故欲

非割吾曹者遂釋縣圍固原平賈恩與張勇出迎擊大

敗爲賊所擄恩勇及衆兵皆割解齊降昌齡督標下兵嬰

城固守村官劉永忠張斗光從城東角繩繫賊上城破縛

昌齡於驛庭馬曰若昔以吾曹爲非今若且爲非吾曹試

割若視若能復生否遂斷其右臂原任守甯道中軍張仲

奇故爲昌齡因事革職恨之好手殺昌齡初八日建勳至忻

州知州劉德炎開東門引入好賢進福從允詐率兵出南

門退守石嶺關其日張勇帶兵十數自賊營逃回見好賢

好賢命馳赴省報世昌世昌急令苗成龍統騎三百援應

奸賢以兵少賊眾復退回黃頭寨適有陝西更代回京國
山古衆達喇領滿兵千餘至省世昌令布政使孫茂蘭說
固山借兵進初九日以滿兵四騎同標馬追至忻州城下
嶺開遇賊百餘騎與戰殺其九騎奪其馬城臨河矢石不
而遠轉至曲城東之石家莊次口姜建勳劉
能及率偽總兵姚通高之蛟李世椿統兵數千分三路
取別令劉永忠率騎三百以失忻州之慚身先士卒固好
賢白壁亦分路迎擊至西城南下賈恩不得入城歸命固
賊衆固山督兵追殺至西城南下賈恩不得入城歸命固
山固山付白壁劉德炎自投首罪定棄城遁至陽武
迎賊及十二日劉德炎朝命敬謹王督兵自陽武
太原斬德炎悅思樁勇先命州有故明參將劉運者至
素與姜瓖善其親即家傳部下起兵反破繁峙五臺
至枋家定議二十五日遂自稱總兵起進臣張新皆於
人張五桂張常高鼎靈邱廣昌中人薛進臣亦往於
歸之劉承忠忻州後逃匿山中薛進臣亦往於
是繁峙五臺靈邱廣昌等縣主簿何顯二月初五日於
蓬親王自臺起程至忻州命襄陽縣主簿何顯二月初五日於
州內說理事官陳宗爲定襄縣次顯二月初五日於
十日從陽武峪攻甯武偽總兵劉偉駐北縣兵初知
險拒敵山峻峭兩崖壁立中石峽僅容一騎上水厚數寸據

王合勇敢數騎馳上頂矢石不能過偉兵退走十餘里至黃沙梁復擊敗之偉退入城王遂四面合圍偉急呼中西兩路偽參將自救王分兵擊殺死者數千前降老營參將羅映壇至營謁王令復職隨軍攻城映壇之從瑗也預將髮一綫匿神根際及瑗使命剖辯中樓故在索印作驛印失及王圍甯武自老營投謁王驗其辨印俱存得復職

渾源州志五年守備唐虎寶峯寨人方應祥朱氏冒附

姜瓖六年二月殺知州榮爾奇大兵攻圍月餘三月四

日礮隕東北隅乃陷應祥力戰於巷眾礮之

靈邱縣志邑弁史梓陰附瓖爲內應率部卒圍縣治知

縣羅森堅守賴英王聲援至城獲全兵旣去梓復勾瓖

黨張葛二賊糾眾三千薄城下勢且急屯牧道祝公兼

程赴救大捷而圍解

廣靈縣志六年二月渾源賊朱廷佐縣賊李青等攻城

捍禦獲全

三月睿親王視師大同拔渾源州端重親王敗援賊於大同城北敬謹郡王亦自甯武以師來會四月復左衛賊黨乘間糾合西山餘寇及陝西賊勢復振據保德州及石樓永和攻汾州府破之連陷交城文水太谷祁縣徐溝清源平遙諸縣明廢官虞允白璋張萬全等亦起兵據蒲州陷運城及解州諸州縣太原平陽同時告警

東華錄三月攝政王攻拔渾源州

山西民誦略沁部兵擅掠民間子女牲畜王

令重治其罪遣人諭

應州參將張祖壽山陰知縣顏永錫俱詣攝政

王軍前降端重親王博洛報助馬路得勝路賊兵五千來授姜瓖我軍破之大同北山姜瓖帥師出城剿斬略盡四月英親王奏恢復左衛 命固山貝子宗室吳達海鎮國

公吞哈輔國公巴布泰率師往大同更代英親王等

時豫王薨

睿王英王

寇陷汾州府以端重親王爲定西大將軍由大

相繼還

同統兵往討敬謹親王尼堪由左衛往圍大同

祝世昌傳敬謹親王圍甯武踰月未下移剿大同賊黨乘機奪據保德陷交城石樓永甯

平寇本末三月攝政王以大同久不下親至督戰令謹親王撤甯武圍攻朔州左衛建勳乘兵退遂從甯武靜樂南入交山與王顯明等合給僞劄付以顯明爲總兵齊三夏閻虎爲副總兵杜義王國獻爲參將鍾明節等皆爲守備選練精勇長驅南出是時標營各將俱北征省中無將止東路營參將呂繼盛前被昌齡挾回在省世昌遂令繼盛赴鎮交城都司張聖德鎮守文水繼盛至交潛遣家丁以探賊爲名夜入西山峪口與賊盟十四日顯明三夏圍城

日辰城兵內應東門啟殺署縣事周邦翰於魁星閣下建勳秉鉞等遂入城以交山人燕化鵬爲交城知縣二十五日令尤玉等西破文水以靜樂人蘇國化爲文水知縣四月初二日攻汾州時徐虎山與汾州把總沈海守汾州尤玉故與二人善遂以城降秉鉞遂自稱冀南道以陝西三原舉人李昌言爲汾州知府孫某爲汾陽知縣沈海虎山皆爲參將從軍置酒高會復東破清源清源知縣程觀光挈印走省以交城人陳敏學爲清源知縣分遣其黨南掠徐溝太谷初六日徐溝知縣王惟敘亦挈印逃入省徐溝太谷以次破以交城縣丞李某爲太谷知縣交城人高惟禎爲徐溝知縣太原以南屬縣惟榆次知縣楊三和太原知縣却煥元督率紳衿固守未失

梁敏莊公化鳳事略五年姜瓖叛公從英親王攻克陽和
城禽賊將郭二用六年破大同北窰溝生禽賊將李義張
豹二月攻渾源州克三門堡破賈莊城擒賊帥王某進攻
左衛下之

蒲州府志六年四月賊虞允封汝宦陷蒲州知州錢法
裕遊擊武韜守備許世德死之虞允張五陷臨晉

舊通志順治六年武弁王老虎據延安渡河拔汾州

介休縣志流賊由河曲陷汾陽城內士民嚴守

案陝西之變明

參將王永強據延安叛將劉登樓據榆林與姜瓖遙應
時吳三桂李國翰以漢中兵敗永強於同官延綏榆林
先後克復其黨遂竄入晉永
強即舊志所言之王老虎也

端重郡王分兵南下敗劉遷於代州進奪忻口與偽將姜建
勳戰於太原縣南大破之追殲其眾於晉祠鎮進圍汾州

平寇始末劉偉命其僞副將楊奉山及賊首李茂蘭盤據忻口扼南北道端重王分兵南下適劉遷部賊萬餘攻代州艾松梁汝貴俱入城自守雁平道徐可用督東路中軍王應聘北路中軍郭金都楊應麟分門堅守數日東關破城垂陷值端重王至白草口聞之親率精騎馳至突擊劉遷大敗追至平城斬卽枋於陣殺死萬計遷逃入黃香寨高鼎劉永忠率餘衆走入五臺山端重王兵至忻口楊奉山李茂蘭率忻靜賊數千據滹沱河西兩岸山頂阻險拒守王從解溝鋪北渡河分兵一從東山北上山驅殺一從東山南址迴兵截殺東山營賊殆盡西山賊望見皆潰走李茂蘭越山走甯化爲崞縣民所擒王至忻州遇世昌羽書得省城危急狀倍道進就食於西門外演武場馳至太

原縣古城南與姜建勳遇建勳集交山賊持烏鎗伏稻田中疊擊王師前鋒死者數十王疊樹蓋以鞭擊鐙督戰愈厲大霧中鎗仆後兵挺起移時賊敗退入晉祠王先伏千兵於白雲山下大兵進圍晉祠數日未克高山衛守備梁化鳳方以署參將從征令道標千總朱國鎮舊營中軍王廷衡率兵五百從晉祠北門外樂樓後穴地百餘步至城牆下納火藥滿未及封火猝發二將並五百兵燼焉城牆既陷賊棄城越山西走至白雲山後伏兵起殺死萬計谿谷爲滿尤王玉顯明等皆死建勳秉鉞由清源逃入汾州盡復清源交城祁縣徐溝太谷文水諸城王遂進兵攻汾州

五月賊黨犯太原巡撫祝世昌擊敗之榆林賊平德攻圍平

陽略旁縣六月土賊衛敏據吉隰二州應之太原敗賊流入遼沁陷潞安府進據澤州

逆臣傳五月萬竦劉遷復由清源徐溝分道犯太原署副都統洛碩卦刺等率駐防兵與祝世昌合擊之

平寇本末徐虎山沈海率數人逃至平過上東山至南關糾其黨雷雙羽張魁吾南入沁州路遇張斗光亦率黨數人自遼州山出遂同至屯留時潞澤營參將周某統兵防守屯留始至斗光等率黨二十餘人夜至城下大呼新撫院劉都督大兵卽至先投順者卽授官職潞澤營兵遂反縛周獻城海卽率潞澤兵襲攻潞安同城官俱被害海自稱大元帥安設官吏於各屬邑方王師破晉祠世昌慮道黨南逸潞澤有失時高國盛與艾松從代州回省遂命國

盛同滿州章京率滿漢兵千餘往鎮潞安至沁州南則潞安已陷時有陝西榆林人平四自稱總兵率陝西黃河畔賊渡河合故明閣部李建泰攻陷平陽各州邑進圍府城平陽道王無黨副將蒲興宗督兵民守城時巴山虎以吉州把總調平陽竭力捍禦固守月餘

壽陽縣志姜瓖之叛遠近騷動壽陽北境接孟孟民叛北境民從焉蟻聚至數千人將略城五月知縣高象樞請鎮兵至迎擊於縣北十五里殺馬溝之封侯嶺賊兇懼自潰官兵追殺無算

潞安府志賊沈烈許守信喬炳胡國鼎詐稱姜瓖兵寇屯留把總郭天佑陰與賊通脅參將周詔開門迎賊原注許守信陝西人原禁道標守備張鴻養馬鴻被誅投潞州營與口北碧馬喬炳同充兵三月交城賊乘大同姜

逆之竄送騖督撫檄滿汾兵將會剿失利喬許二賊
不取入伍逃歸安路達胡鼎國舉徽人也販茶落
進乃投老馬嶺沈烈家烈亦陝西人其叔在時嘗為
店驛守備烈在老馬嶺賣酒聚賭結交匪類劫奪往來
客商諸國鼎之謀詐稱姜總兵令發兵直取潯軍旅
牌皆胡國鼎自稱監軍道沿途烏合不滿三百人暗
稱參將胡國鼎自稱監軍道沿途烏合不滿三百人暗
約沁州高靈楊文達襄沁州知州姜振迎降時潯中
詭言洵郭天佑探賊消息天佑便與賊通約內應因說
令把總郭天佑探賊消息天佑便與賊通約內應因說
周詔既陷賊中器械馬匹俱進攻潞安叛兵張國威等
為賊有遂扶之攻郡城俱進攻潞安叛兵張國威等
知府楊致祥以城降議戰守之策數日不能決知府楊
致祥敵血誓眾立主迎戰撤回潞城知縣楊萬春進征
至中途聞屯留已陷遂守郡城會叛丁張國威等原
重賞西人頗激勸賊無隙可乘會叛丁張國威等原
係陝西人頗激勸賊無隙可乘會叛丁張國威等原
賊至密移北鄉道先為賊所劫要其內屬在路聞
懼遂陰謀不軌初三日黎明入遂收繫各官更署偽
城樓之東次日開北門迎賊入遂收繫各官更署偽
以郭天佑為副總兵吳亨福為參將張國威等職

爲標參中軍等官沈許二賊又自陞總兵喬賊自陞副將胡賊自陞巡撫反側亡命之徒紛紛歸在聲勢始大

襄垣縣訓導王奔業抗節不受僞官死之長子縣據城

堅守不下拔之案此誤長子縣志北地劫賊喬炳與屯

城下招降土人衛銀常壽馬興等俱前官巨蠢懼羅於

法炳及斗光在先以術愚之潛通後索至是同爲應知

縣李允昇守正不從銀等竟挾鎖開門迎賊入劫官舍

倉庫各署將領職銜以生員王者佐爲僞知縣辨李允

昇於郡中賊黎城土寇趙聯芳申少峯李友庫劉徹等

營而殺之壺關縣志賊遣僞官胡必至縣潞

作亂殺知縣李雲起城志寇發知縣楊萬春僞印入京

平順志姜逆之變知縣段昌詐護印避亂東山

澤州府志姜瓖煽動三晉兵起澤潞城陷賊黨擅據互

相侵掠

沁州志汾潞澤遼各郡邑小醜乘時蠡起僞帥胡國鼎

嘯聚潞安禍連沁屬

平陽府志姜逆遣其黨平德攻平陽知府徐來麟竭力捍禦城獲全而延安王老虎應逆渡河拔汾復攻平陽來麟與王巡道無黨范參將永宗固守乘間出銳師擊之擒其將劉光明賊奔氣會大兵至解圍走來麟進兵追之斬賊首劉四亨於峪口村餘眾悉潰

翼城縣志姜瓖叛遣賊首攻平陽不克其時州縣或逃或降固守者郡城及翼城而已

隰州志六年陝西賊龐武生等陷永和典史鍾夢豹死之隰州水頭鎮土賊王登憲永和賊衛敏蒲縣賊劉嗣向陷吉州隰州蒲縣永和等處往來劫掠幾及一年大縣志典史徐士弼守城不少規避城破死之

鄉甯縣志姜逆之變賊黨衛敏破縣城據之焚掠甚慘

案敏嘗於元年起兵復吉州
殺闖賊偽官歸降者至是叛

七月汾州平偽將姜建勳伏誅異親王謙郡王進師朔州甯武

東華錄七月攝政王率師征大同

至阿魯席巴爾台罷大同之行獵而還

命親王滿達海郡王瓦克達統兵征朔州甯武各處博洛

克復孝義縣

案錄載六月博洛奏平陽汾州平九月下又云奏克汾州茲從平寇本末係之七月

梁化鳳事略六月攻汾州進薄孝義縣穴城置火藥藥發

城圯拔其北關賊帥沈海來襲大營破走之連下十餘寨

介休平進攻祁縣望風悉降

八月英王復進師大同賊黨斬姜瓖以降夷其城謙郡王克

復朔州及甯武各城巡吉黑皆下之駐師平陽陝西總督孟

喬芳渡河敗賊於蒲州復其城又戰於榮河大破之盡復解

釋各州縣九月謙郡王自平陽入澤州巽親王自太原入沁
州賊聞風遁十月會兵潞安追剿之澤潞悉平分兵圍太谷
太平皆下之

東華錄遺英親王統兵駐大同陝督孟喬芳奏固山根特
等大破賊於榮河斬偽帥白璋破賊於倚氏斬偽帥張萬
全擒偽道衛登芳又章京杜梅等破賊邊玉張五黨自成
等於解州先正事略根特公以西安駐防隨總督孟喬芳
璋利步騎六千至榮河迎戰奮擊大破之斬三千餘級復
逐賊至黃河賊未及濟我師薄之溺水死者無算遂斬白
璋餘賊竄入吉鎮悉殲焉移師趨倚氏偽監軍衛登芳依
山結寨與張萬全爲犄角以抗分兵擊斬萬全殲其衆移
兵轉戰生擒登芳陣斬偽將王國興等三十人復敗偽都
督郭中傑兵於間喜追奔二十里斬獲無算仍還駐長安
偽總兵楊震威斬姜瓖並兄姜琳弟有光首來獻大兵入
大同城九月官吏兵民盡行誅戮將城垣撤去五尺十月

大兵恢復潞安滿達海奏官兵克復平遙太谷二縣遼沁
二州屯留襄垣榆社武鄉等縣俱降親王滿達海輔國公
薩弼分兵回京留郡王瓦克達等勦撫山西

叛臣傳八月劉遷敗走黃香寨大兵圍破之遷伏誅偏關
奇嵐相繼復萬竦自焚死餘賊爲大軍所殺及自拔來歸
者甚衆瓌勢日蹙城中食盡死傷枕藉僞總兵楊振威及

僞官裴李中斬瓌降明年李建泰等亦伏誅

土賊聚寇曲沃建泰通謀

以書結翼城令何斯美爲援斯美縛使者首於知府徐來
麟及曲沃賊敗建泰遁去姜瓖據大同建泰復會賊將李
大猷房箕尾等兵千餘據太平遙應之謀郡王等討平
安平陽澤州諸路建泰猶負固不下十一月大兵圍之勢
迫乃降

平寇本末多羅王

案卽謙郡王

至汾州端重王命從石樓山出

隰州至平陽會平西王攻剿及建泰走死平陽州縣俱平

王由翼城東西烏嶺山出沁水攻取澤州張斗光棄澤州
逃入濟源山石固山八旗固山兵至潞安沈海戰敗棄城
南走入澤州之九仙臺王與固山等合兵攻圍以紅夷礮
擊之賊不支沈海單騎入王營乞招撫王許之海至九仙
臺招其黨張魁吾雷雙羽殺偽巡撫劉漢首級來獻餘黨
皆降徐虎山逃去潞澤俱平

舊通志姜瓖黨虞允韓昭宣陷平陽號二十八萬七月
孟喬芳引兵赴援馳赴潼關賊拒河守乃佯置巨艦於
上流而夜率師從下流徑渡急擊之賊勢披靡戰且走
四十餘里比明抵蒲州賊迎敵督將士力戰殺賊七千
餘賊棄城遁遣將復臨晉榮河猗氏解州又合兵圍運
城城破賊黨殲焉遂定平陽

潞安府志賊聞姜逆授首大懼出兵欲於南關驛扼險防禦聞大兵神武連遁回沈郭二賊奔往九仙臺喬許二賊欲投張斗光於陽城麻婁寨不意斗光先遁遂乘馬奔西安故主梁清溪被首於總督孟移送晉撫斬之國鼎不協於諸賊另爲一隊復回城墜民捍守十月初十日和碩親王案卽巽親王多羅郡王固山王國光蔡士英內院蔡不害率大兵至國鼎潛開東門宵遁不數里伏起誅戮殆盡國鼎爲亂軍所殺十六日大兵入城問罪城中及鄉鎮誅戮凡數日而止遂攻九仙臺沈烈縛郭天佑以降梟斬於郡市案沈烈與沈海當是一人惟所叙起事與平寇本末各異其僞巡撫劉繼漢此作胡國鼎未詳孰是沁州志十月朔八日大兵征剿焚燹山原秦谷蕩然澤州志大兵至以州人從賊謀欲殲奔知州袁仲選哀請再四願以百口保其無辜得免長子志十月大兵恢復潞安邑人急圍

歸正衛銀常壽齊本堅守
至十一月初四日城破

太谷縣志六年五月賊陷太谷執知縣羅雲遠以李承
培爲僞知縣承培旋遁七月賊黨田登奎同承培復襲
陷城知縣楊其藉教諭賈道臨典史王自亮死之十月
大兵攻城破毀北隅遂克復

七年五月謙郡王班師還京其餘寇亡命山中據城結寨者
皆以次剿撫至十二年始翦薙無遺

東華錄七年正月山西巡撫奏復永甯州甯鄉二城二月
瓦克達奏平定平陽府三十六州縣五月謙郡王瓦克達
班師還京

平寇本末故明總兵侯和尚者明亡後爲僧於介休縣縣
山之抱腹巖及亂作和尚亦聚黨攻破介休立營於抱腹

巖端重王平汾州分兵攻取侯和尚敗逃王回京高鼎劉
永忠據五臺山曹家寨劉遜據黃香寨偽劉總兵據臨縣
爲亂 朝廷命宣府總兵剛阿泰統兵剿高鼎等世昌命

王國盛攻臨縣圍盛與賊賊不利復命李好賢往一戰破
之偽開部賈同春總兵劉某皆投首臨縣定好賢旋師復

至五臺隨剛阿泰攻曹家寨至十年真定府推官胡文學

獻策於總督李蔭祖巡道陳安國命標弁季佺招高鼎降

之五臺縣志劉遜據五臺之賈村爲巢穴國五臺城五臺

土匪高山等各聚木剽掠合境大亂李廷壽時爲宣府

總兵援剿佯言進剿代州潛出我口夜抵賈村賊出不意

驚潰擒斬無遺餘賊保上峪之摩天寨寨高數百丈四面

陡絕路惟繞一綫延壽築長圍斷其汲水之路募死士

數十夜攻之賊悉墜崖死繁峙縣志慈山在縣東八十里
有黃香寨懸空寺在焉四面絕順治初劉遜餘黨竄據
之宮兵設伏山口絕其汲道以次就擒案高山即高鼎
臨降後仕至總兵曹家寨卽志所云摩天寨也李廷壽舊
通志有傳在五臺辦賊凡三年此云總督李蔭祖未知爲

一人否當以志爲得實 都司牛化麟反陷保德州平四降餘黨多逃

入化麟黨中平西王復率兵同固山李適泰進圍保德後

至十年乃平保德州志牛化麟西甯人五年以都司管守備事六年委壞叛秦晉煽動河保營屢檄

化麟應賊調付左衛化麟在路爲王師所敗引殘寇二百

餘人回州時州未知其叛納之化麟人城遂殺知州徐效

奇及州民高雲鴻奇利勳等掠懷城與陝寇高有才爲

掎角勢十月固山額真聖刑部侍郎李適泰平西王吳三

桂討之化麟負固不下凡七月州人崔耀揚振林等十八人誅之投順

貳臣傳七年山西土賊張五桂王天平等犯龍泉關守備

梁士治等禦之賊屢逼關危甚正定總兵魯國男往援出

長城嶺至石嘴賊懼奔山國男率遊擊吳應彩等追抵冀

家莊賊據西寨我兵直上擊之破寨五斬僞將張岐劉定

等俘獲無算舊通志五臺賊張五桂攻定襄其事在順治元年蓋積賊也八年正月懷

慶總兵孔希貴追殺馬賊於澤州獲賊首秦明宇

臨縣志榆林賊平德圍臨防兵杜忠等背城力戰老營
堡副將羅映壇由北路南下汾州參將甯獻功踰漢高
山西來大破平德張再元於關王廟賊遁走

翼城縣志六年哈哈教餘孽安定國混天侯等利合數
千人嘯聚東山招寇子家郭中傑等賊攻翼城十晝夜
知縣何斯美及弟斯盛悉力守禦賊撤圍遍掠鄉村斯
盛率敢死士救之斬其劇賊吳思明於馬册橋賊乃遁
去八年安定國勾引上黨賊陳部院率眾數萬來斯盛
以數十騎禦之滄東伏起遇害賊亦多所殺傷因遁去
斯美之子孔述假爲陳賊遊騎入定國營中奮擊大破
之賊走匿東山十一年安定國就撫然怙惡弗悛邑令
胡獻瑤計擒之使勇士盡殺其餘黨斃安國於獄四境

帖然

垣曲縣志六年六月賊郭中傑張五等萬餘人陷垣知縣李榮宗訓導黃縉馬賊不屈死典史周茂覺及防城張從義兵丁數十人俱死賊設僞官派解米豆於外縣八月大兵北來賊俱潛走垣曲倚山爲巢次年三月多羅王統兵搜山谷殲渠魁垣民乃安十年四月賊萬餘嘯聚晉冢山肆行劫掠平陽協鎮藏延齡同遊擊邱如京討平之十一年三月陝西賊許二王世魁等復聚晉冢劫掠守道嚴正矩巡道胡從梅勒額眞駐兵勦撫斬首數百級餘俱降

晉姜瓖餘黨也志又載十三年六月賊百餘人劫掠平原上澗各村把總

楊振榜率兵夜襲生擒四人餘黨皆遁十五年五月賊

張瑩于百餘人就撫給糧防守晉冢山口未踰年瑩于

勾引外賊將爲亂振榜擒瑩械送京示賊患始息云云

夏縣志十二年巨寇張五盤據山中分守河東道班進

密偵勦靜會兵深入擒之舊通志張五聚黨數千人時抄掠連台編裨於賊出役

地伏兵堵截而自後官軍衝杖疾走徑搗其巢賊恃險

阻且疑郡縣官擒不爲備驟聞官軍至遠遁出戰不能

支奔逸四散悉爲堵截者擒斬無遺自是民獲安

康熙十年七月交城知縣趙吉士剿賊交山擒其魁數十人餘黨悉平

交山平寇紀略姜瓖誅餘盜匿山中招納亡命與靜樂永

甯諸盜相糾結潛出劫掠官兵不能制吉士到官行保甲

團練法鄰盜相戒毋入交境八年八月蘇家崖曠盜起衆

至二千或請發兵捕之吉士曰此饑民逐利非有劫殺人

罪也吾當計散之但發票數紙令廣買糧草賊謂官兵且

大舉尋散去捕得數人置之法未幾交山賊楊芳林芳清

等劫汾陽劉氏傷數人火其居官兵至乃卻九年正月吉
士入山勸農詢二楊所在擒至密遣卒從間道械入城度
行既遠整伍出山去賊渠任國鉉鍾斗等剝眾尾之聲音
欲奪二楊吉士整伍反賊懼還走入山頃之有陝西叛弁
黃某部眾二百餘人入壺盧川與任國鉉鍾斗合壺盧川
者有東西兩川四山環之最險隘賊分踞其中黃弁至共
劫汾陽朱氏羊萬頭日殺羊饗眾圖起事吉士以計間之
遣山民持書一函伺其會飲付斗國鉉黃弁得書先發視
則大驚遽起立大罵斗國鉉率眾馳馬西出山去國鉉既
失黃弁則恐率屬千餘詣縣就撫靜樂李宗盛者踞周洪
山爲盜主蓄兵馬糧草甚盛九年春遣其黨趙應龍等劫
清源溫氏遇教官李開秀殺之吉士令團總率鄉兵要其

歸困之馬鞏山已而逸去復劫汾陽劉氏爲官兵所敗於
是吉士購賊壺盧川計擒應龍自往剿李宗盛期甯武協
兵三百自北入而太原協兵聲言自東入令把總蘇成甫
率兵自南入駐兵惠家莊吉士繼之羣盜見官兵勢甚皆
兇懼又聞所購止宗盛率自保莫爲備宗盛窮感挾數十
騎西南走成甫追及之擒以獻兩壺盧川去縣治百六十
里有廢堡曰靖安崇禎間築以屯兵者也順治初廢吉士
言於大吏復之十年秋鳩工興築會總督奉 廷旨以交
山盜屢發宜酌撥官兵剿殺淨盡吉士至太原言於上官
曰交山有名劇盜不過十餘人其他率烏合一聞剿殺淨
盡之語竊恐山中向化之民畏罪自疑反甘爲賊用令靖
安堡復但請協兵三百統以守備以駐防爲名刻期入山

賊可一戰擒也從之十月自太原偕守備姚順率兵至縣期十三日進屯初八日大閱明日大享賓客夜半席未散起上馬出南門則姚順蘇成甫已統兵集門外矣既會師疾驅之未五鼓行四十里至水泉灘飲犒既畢始語順曰此行也奉命討交山賊非爲駐防來遲且得罪遂令百總王國振率騎兵五十步兵百由西冶川進襲東壺盧蘇成甫統兵二百襲西壺盧自偕順率兵四百進駐東坡底兩壺盧賊聞兵至皆走上三座崖三座崖者兩壺盧中間勢陡削賊傳語山中民官兵至且屠山急上崖可免從之者千餘人吉士率兵前進前鋒報曰滿山皆盜令安營止宿明日令人至崖下語崖上人曰官謂汝等皆良民毋爲賊脅官且按戶籍丁不在者卽以賊論至日中衆稍稍去及

暮在者約二百餘人吉士曰此真賊矣然賊據險吾兵仰
攻必多傷賊乏食且走擒之易矣乃分兵爲四要賊去路
自收軍駐橫嶺已而崖上賊果走伏兵起擒獲頗衆復益
兵進獨石河入爛團山而永甯盜馮養成知壺盧賊勢不
敵糾衆來援官兵大敗之餘賊多逃入鄰境馳報太原府
發諸縣兵夾剿而收兵駐獨石縱諸降賊質其妻子俾捕
他盜以自贖已而他盜先後俱就獲生得者二十二入其
餘或降或自到入山旬有六日而盜悉平乃召山中民始
終不作賊者三十七家賚以羊酒立爲約正其素不與徭
役者千四百三十家編其籍入都團自後交山無賊患

康熙三十五年四月

親征噶爾丹大同總兵康調元率所部從大將軍費揚古出

西路大破賊於昭磨多十月

駕幸歸化城犒賞戰勝官兵

聖武記二十九年六月噶爾丹深入烏闌布通康親王傑書屯歸化城要其歸路三十一年五月噶爾丹遣使至歸化城聲言入貢男女接踵至者幾二千將軍費揚古遣兵迎詰且遏之三十四年噶爾丹入寇至巴顏烏闌明年春上親征由獨石口出中路大將軍費揚古出甯夏西路賊望見

御營大驚拔營宵遁適西路兵邀之於昭莫多費揚古率左

右翼步騎據小山陣於東餘沿土臘河陣於西奮呼夾擊

賊潰敗噶爾丹以數十騎遁

西征紀略大將軍慶全軍上
山布陣令河西緣旗兵居中

而京師右衛西安三股滿洲兵分左右兩翼及戰又令余領甯夏兵千三百人居左威甯衛唐總兵領涼肅兵千人

居右皆據山爲障其大同鎮兵之後至者皆在山下沿河
獲西向北以防林中伏騎會賊爭小山衝中堅氣甚熾勝
負未決余因天晚事急使告大將軍曰河邊兵宜令其依
柳林而左出衝其脇賊必敗又望賊陣後人馬甚盛而不
前助戰必其駭畜婦女也宜遣一軍繞南右出賊必返顧
擾動然後山上軍迎而奮擊敗之易耳大將軍皆從之

上親撰銘勒察罕拖諾山及昭莫多之山而還次歸化城躬

犒勞西路凱旋之師皇朝文獻通考康熙三十五年十

南前西路戰勝之右衛官兵皆至駐蹕赫圖爾根之

兵皆令近前坐漏賜之雖僕從無遺次日復賜

官兵衣銀食物坐馬遣諸皇子至右衛軍

營重賜茶酒又撤御膳分賜官兵

雍正五年澤州妖人靳廣等謀亂擒斬之

澤州府志州人靳廣入白蓮教長子縣張冉公黨冉公

每思劫掠富室有濟源卜者翟斌如玉以術數煽惑廣

遂棄張依翟同謀不軌適魏智盜機先發廣等遽爾肆

行橫暴約日聚集羣逆起事以大雨失期官弁先發以

次就擒斬斌如斬廣等六人於太原西市王君祿等八人監候擬斬脅從及株連者多所矜宥其教有彌勒佛白蓮等名齋公齋母等目皆喫菜事魔斷葷酒身衣黃衣布散黃符朝夕禮拜所誦經咒有皇天後會等書外人不能織記互相煽惑大爲民患澤州山負險每易藏奸

道光十五年三月趙城縣教匪曹順聚衆作亂知縣楊廷亮遇害官軍至順遁走捕得碟於市其黨皆伏誅

陽谷瑣記曹順山東荷澤人故教匪嘉慶中亡命至趙城居縣之耿峪村以符呪爲人治病漸出妖術稱其教能避火器煽惑鄉愚黨羽日盛蔓延數村乙未二月彗星見順妄言山西有變應在己謀以三月初十日媯皇廟會官吏

來祀戕之於廟劫衆起事縣令楊廷亮偵知之於初四日
捕部署丁壯約期掩捕而縣役狄思亮趙法玉皆習其教
者潛以告遂謀先發縣西城舊圯於汾不設管鑰夜三鼓
其黨韓奇等繕擁入圍縣署縱火焚之楊遇害母妻四子
二女並幕友家丁十餘口均燬焉遂劫驛馬乘夜馳至洪
洞及霍州欲賺城門入旣不得仍走還天曙方掠於市縣
人劉某素膽勇與鬪立殺二賊衆知其無能也羣謀逐之
潰出城時學使方按試平陽聞變城中日數驚門盡閉總
鎮烏發標兵五百自帥之至洪洞留三日不進會河東道
但明倫倍道馳前購鄉民令擒賊自效於是賊出輒爲鄉
民縛獲皆逃匿未幾巡撫以太原軍至搜捕無遺先後擒
百餘人而首逆曹順與其徒張文斌李吉星遁至山東觀

城亦爲邏者所獲械至駢戮之

詔以楊延亮因訪擊教匪以致全家被害並無激變情事深堪憫惻予諡昭節建專祠並給騎都尉世職

咸豐三年八月粵逆入山西境連陷垣曲曲沃圍平陽破之官軍至乘城遁榆林總兵郝光甲邀擊於高河截賊爲二前隊竄據洪洞餘賊退入府城尋俱逸出國光甲於曲亨鎮遂踰山東竄江南將軍托明阿禦之屯留長子界與戰復不利路城黎城相繼陷由東陽關竄入直隸

垣曲縣志八月賊李開芳林鳳祥等由濟源一帶竄垣掠人畜無算初二日攻城城陷知縣晏宗望教諭韓燾訓導高一元俱罵賊不屈死河東道張錫藩帶兵防堵亦殉難初五日勝帥統大軍追剿賊西走曲沃

臨汾縣志賊由封門口小路竄山西陷垣曲平陽戒嚴時總鎮烏奉調防太行盡兵以行何太守飛檄促其回郡一面糾集商民激以大義登陴爲固守計初五日曲沃失陷賊乘勝直趨平陽初十日黎明堯廟火起辰刻薄南門太守督商民矢石並下札參戎親然大礮礮炸傷右手斃賊二百餘人賊少卻緣壕而東奪東關小南門入至城下太守與邑令周急趨東門禦之賊聚木器填壕攻益力商民心悸又不習銃太守脫守鉏激賞之擊斃數賊賊怒駕礮闢城之樓向城轟擊商民驚潰移時門燼城陷太守遇害眷屬並幕友楊某殉難者三十餘人把總陳奎巷戰死周令自縊參將札通判顏訓導王山長多皆不屈相繼死賊大肆殺掠以商民守城故

尤仇之延燒街市頃刻悉爲灰燼十二日榆林總兵郝光甲率兵二百餘來授偵賊將出北門伏兵高河橋時秋禾如雲日且晡賊知官兵在東南不爲備前鋒長驅踰河郝兵納賊以爲銃橫擊賊扛轅者多郡人復倒斃之殪一賊自首尾不相援遂大潰所擄郡人多逸去夜將半賊復回城益怒屠戮商民死者枕藉十四日賊約郝軍至北關決勝負郝以兵單謁勝帥求濟師勝畀以數百人令先迎賊自以大軍繼之入夜賊於北門張燈擊鼓僞爲出戰狀而潛開東門以遁比曉郝偵知道之曲亭鎮而賊前鋒之趨洪洞者復折而南郡城之賊亦大至郝腹背受敵大敗郝所持長矛重四十觔力戰突圍出部下能從者僅十餘人餘皆殲焉賊得合軍向東

陽關去

案光甲本為勝陣奏請至懷慶大營防堵西路

方駐陽城

總鎮烏直抵平陽銳意一戰欲收桑榆之功

高師自捷於賊

無大損而襄晉者多因此得脫共再敗

亦由孤軍深入

勝帥方決計北上無一旅之援故也而

兩大力戰竟不

入奏故十五日有郝光甲鳥勒欣泰之

兵加緊催督夾

擊之旨而二十二日諭旨猶云郝

光甲董占元所

帶兵向未趕到

長子縣志八月二十一日粵逆林鳳祥等由平陽竄入

境江甯將軍托明阿遇於柳花泊戰少卻副將福龍豹

死焉賊夜宿鮑店黎明東去入潞城界案將軍奏稱由

於屯留縣豐儀鎮地方遇賊接戰被鎗子穿帽受傷恐

痛者兵應戰擊斃賊二百數十名追殺五六十名云云

復查給假調養

潞城縣志賊以二十二日丑刻自長子之鮑店鎮東竄

入境由史典里下省村起雲臺張公莊沿三垂岡北過

南舍北舍北荆莊已刻入城盤踞竟日次早由微子嶺
神頭澗口諸村直達黎城沿途焚掠城中遇害者有歲
貢武振明廩生梁鎮生員武維揚職員任丕基等而知
縣段金甌典史宋紳皆逃匿得免惟訓導郭樹蘭堅守
不出賊焚文昌樓捶辱幾斃

同治元年十二月叛將宋景詩率東勇自陝西邵陽渡河入
山西境虜至騷擾旋由平定州出固關去

絳州志十二月初七日宋景詩兵變從西南度州城至

北關平原村搶掠

漢勇自榮河廟前過河由稷山南境
至州旋擾曲沃太平境由平陽北去

平定州志勝保由關西解兵入境荊州將軍多接辦勝
營檄飭前勝營參將宋景詩赴三原助剿景詩心懷疑
慮中途改變帶領馬勇一千餘名擅自過河入晉東馳

沿途騷擾百姓聞風逃亡逾故關而東轉掠山東界

五年九月捻逆張總愚竄至陝州撲渡南河爲兵勇擊卻旋西竄入陝西境

巡撫趙奏張總愚由陝州陝石驛至八里店等處距茅津二三十里九月二十六七日在太陽渡對岸磨集河千勢將搶渡經臬司陳澆等督率水陸各軍施放連環鎗礮隔岸轟擊斃賊多名水師礮船亦繼趕到賊始由閔鄉盤陀一帶漸向西路遁去

六年十一月張總愚自陝西宜川踏冰渡河防河兵勇悉潰賊連陷吉州鄉甯分掠平絳各處十二月陷垣曲由封門口竄入河南

臨汾縣志捻逆張總愚號小鄉王聚眾十餘萬據陝之

宜川屢犯河口我軍沿河守禦適朔風大起河冰驟結
賊連日搶渡官軍悉力奮擊遂僞遁突於二十二日晚
由七郎窩踏冰竊渡官軍大潰澤州營參將谷景昌太
原外委谷杏林同戰死都司張得豹赴河死茅津把總
米福賈平陽把總吳炳辰俱力竭殉難總鎮陳必友退
守平陽時臬司陳奉命總辦河防二鎮弁兵通省官
吏均歸調遣巡撫趙因悉以軍事委之黃河自
保德至鄉甯入百餘里入冬首爲堅冰處處可渡未嘗
親一閱視及賊羸延綏南河無事臬司政請就近至汾
州躬自講度不應乃自運城進省與面議甫至而吉州
之變作復會皇南下駐趙城閉門堅守巡撫亦括標兵
得三百人率以行主介休不進會諭自實令扼要駐
高杜賊東窺令臬司嚴防西南沿河一帶皆遊官敢
行而賊已爲到軍門跟追入河南境矣其後查辦者謂
其頗兵蛋石之道遙嶺致誤事機蓋用清人之詩諒之
也賊遂轟然長驅掠吉州鄉甯太平等處三十日至襄
陵從大陳趙曲渡汾直抵平陽就村爲壘表延數十里

晝則肆掠夜則縱火十二月初三日北至趙城界武舉

趙某等率民國截擊賊敗遂南奔

賊至吉州盤踞二日分其兵爲三路中路

由鄉南城出馬壁峪掠絳州太平等處東路由蒲縣南境出井河出青石峽掠汾洪洞等處賊專擾鄉鎮所過城池皆約不相攻而吉州知州于雲一聞渡河卽攜家去鄉甯知縣陳魯預報帶勇防河居民相率走避仍由臨襄賊以其空城始入掠之留一夕焚縣署而去

由沃窳垣曲之封門口而東

垣曲縣志初七日賊竄擾泉落肆行焚掠初八日至城

下半夜縱火燒壞城門延燒南關舖房殆盡黎明城陷

代理知縣王國寶赴火死東灘營都司劉國治自經典

史王覃亦死初九日劉松山郭寶昌統兵追擊賊東走

沁水縣志初十夜賊犯黑虎嶺弁勇奮力轟擊伏兵亦齊起應之賊敗而退復遣人故遺書於路聲言大軍將至賊得之更懼遂出晉蓋窳入濟源

七年四月回匪竄延綏各處護巡撫鄭建修沿河石壘賊屢犯吉州永甯大甯境皆爲防軍擊退十二月諸軍渡河會剿套部竄賊敗之

署撫鄭奏通籌河防中路之鄉吉北路之河保冰橋早結尤爲各防中最要之區現修建沿岸卡壘均已藏事使兵勇有險可憑派王巨孝閻文忠等軍於河保以南分段梭

巡請飭張曜一軍於汾州境內擇要駐劄宋慶一軍由晉

入陝劄榆林爲晉省西北屏蔽其口外地方遼闊由定安

桂成等酌度情形隨機布置是年四月賊擾宜川山七郎

月沿河賊分竄永甯大甯等處亦經晉軍擊回並見奏牘或以爲皆難民云十二月賊匪分撲

包頭鎮昭君墳大股在十里長灘等處張曜由河曲分兵

渡河金順由十里長灘北進劉松山一軍亦由永甯州渡

河踢平小理川大理川賊巢二十餘處十里長灘及東北一帶踞匪亦經金軍分路勦洗向西敗竄

八年四月官軍勦賊河套潰走之七月以賊復南竄補築沿河石壘

將軍定奏二月回逆竄踞拉什吹明台之庫家庫派軍進勦斃賊甚多進至杭錦旗界賊由鄂托克旗遁入邊內三月另股賊竄入後套盤踞磴口分作兩股一乘船東下泊纏金河口一竄近阿拉善旗其在杭錦旗屬者經會同蒙兵截勦追殺五六十里擒斬甚多賊竄靈州境爲張曜軍所截復竄入鄂爾多斯等旗金順由烏拉特進勦

九年四月套部賊平擒斬逆回胡得海梅照禧等沿河肅清其冬首逆馬化隆亦伏誅餘黨有憤至後套者明年五月悉

爲官軍殲除

三月毅軍蔣東才馬玉崑在石板溝高莊擊賊獲逆首胡得海各股分竄準噶爾旗達爾濟迎擊於占思召

距包頭八十里

四月王家疇回逆由牛頭山竄過河西金順督兵截擊陣

斬逆首梅照禮

是年十二月左軍破金雞堡甯靈肅清

十年五月將軍定奏

稱西來賊股盪踞烏喇特旗洪庫勒塔拉地方據各處探報約有萬餘田阿畢爾米特旗西北界分股東竄派各軍合力進剿

光緒四年正月朔州妖人熊六爲亂轉掠甯武官軍勦平之神池縣志朔州教匪熊六盤踞甯武之上白泉村聚至數千人掠盤道梁及陽方口聲言將取神池城中戒嚴會巡撫會調葛鎮軍兵至以元夜直搗巢穴賊悉平

自咸豐十年後豫陝不靖山西州縣通行團練所練鄉勇或百名或千名不等章程亦不一同治八年始盡裁撤其客勇調防則平垣吉鄉嘗用湘勇以防河歸綏邊外兼用淮勇以防冬而邊防爲最久迄練軍成營始散遣南歸

奏銷冊同治元年二月巡撫英奏募楚勇一千名立楚軍

精銳左右二營三年調赴甘肅五年復調右營回晉光緒二年八月撤四月蒲州府

練勇防河始造礮船勇一千名後改爲利字營並裁撤存五百名礮船十四隻亦撥入水師營

七年並撤練勇五月省城籌防局練勇三百名同治三年撤一百名七年七月全撤

九月又奏募直隸正定定州勇丁一千五百名二年調赴直隸五百名

名陝西四百名三年八月全撤二年六月調絳州鳳臺陽城練勇六百名

防守東陽關三年撤絳州勇四年並撤鳳陽二縣勇四年九月護巡撫王奏

按察使陳募楚勇三千名立元亨利貞親兵左右六營八年

六月十一月巡撫趙募川勇五百名立川軍忠字營

光緒元年

改爲精銳副營

五年六月按察陳募練水師立前後左右

四營十一月增立中營副前副後副左副右五營先後造

礮船九十號

十二年全撤

六年四月續設立東路水師四營七

月又立水師清河左右營共造礮船六十號

七年撤東路水師營十二年

年撤清河右營光緒二年三月水師營全行裁撤

八年九月巡撫李奏募晉軍四

千名立觀師益豫豐泰成升八營

九年撤升益觀豐四九年

月立晉軍銳字左右二營

光緒二年八月撤

九年七月巡撫李奏

募淮勇立樹字中副前後左右六營開花礮隊親軍一哨

光緒三年裁副營改爲馬隊三七兩旗四年改五十年八

營爲五旗五年撤後左右三旗十二年九月全撤

月巡撫鮑奏設湘軍衛隊

新臬司蔣由甘肅選帶七百人來晉就設十二年改爲左右二

旗十二年八月全撤

光緒四年二月巡撫曾奏募湘勇立湘毅軍中

軍護旗步隊一營中左右前後正副十營

四年改正右步隊爲正中馬隊

一營威字殺字馬隊二營五年改副右副後步隊二營爲馬隊撤正後步隊一營七月調赴山海關防守留正前副馬步四營九年三月全撤

九年正月巡撫張奏募山東

河南直隸馬勇五百名立北軍馬隊左右二營

十二年五月撤

高平縣志團練使之名見於唐罷於楊綰然以之判觀

察使安民爲上考懲姦爲中考得情爲下考則非專總

戎團矣考團練之初亦權輿藉民爲兵之制周廣德宋

開寶曰保義軍弓箭手朱自夏人盜邊詔諸路刺義勇

號四十餘萬而不足遏其鋒熙甯保甲行而弓箭社廢

亦勢之所趨也金人入寇令諸路團結忠義以禦之或

曰義丁曰把截將曰山水寨在太行者爲八字軍名目

尤多其時或廩給之或免家業錢或捐其租賦卒無救

於亡元日毛壺盧兵明日土兵日狼兵日鄉兵始以籍
後以募萬厯時鄉維璉徐九翰崇禎時張慎言米壽圖
皆極言其害惟國朝則嘉慶以平教匪同治以平髮
逆兼用之三督大吏扭於平賊之利又恐軍興之乏謂
不費斗糧坐致勝兵千萬羽檄星下督貴州郡養練勇
結民團諸邑歲糜民錢數百萬而晉人怯懦事有緩急
類無益於用高平故寮練勇百有四十仰給縣尹縣尹
大絀言於上調歸澤州元字營今長吏以邊患未弭更
徵民自爲練而邑民故以遠賈富今各行省糜爛資本
蕩爲灰燼坐是窮困練多則費不給練少則守不振且
慮一通烽燧民逃餓匱勇益變故萬端余故力持之歲
爲民省金錢萬餘緡而民團清內奸少糜費則爲舉行

云夫喪亂未平誠不能不籌禦侮策然亦當權利害之
重輕自文恬武嬉兵不足恃因藉資於勇所謂勇者有
二有召募之勇有團結之勇召募之勇廩於官任征調
者也團結之勇守其鄉不任征調者也其利害亦適相
埒召募之勇聚則爲勇散則爲賊團結之勇良則清奸
以保境莠則剝黨以抗官散則爲賊三省教匪之役藏
而勇丁變廣東英夷之役已而髮逆萌是也莠則抗官
河南之聯莊生殺自如山東之練首租稅不入是也然
則如何而可曰得良將以領之訓練有方遣散得法則
召募精得賢令以馭之上下相親恩威並濟則團結固
亦如鳥喙已疾使不至毒而已然則後患之恣又有旣
乎哉

右歷年兵事

秦於郡置材官銷兵器更卒用以戍役

漢調兵之制民年二十三爲正一歲爲衛士二歲爲材官騎士習射御騎馳戰陳年六十五衰老乃得免爲庶人就田里漢民凡在官三十二年自二十三以上爲正卒每一歲當給郡縣官一月之役其不役者爲錢二千入於官以雇庸者已上戍中都官者一年爲衛士京師者一年爲材官騎上樓船郡國者一年三者隨其所長於郡縣中發之然後退爲正卒就田里以待悉上調發更有三品有卒更有踐更有過更古者正卒無常人皆迭爲之一月一更爲更卒也貧者欲得雇更錢次直者出錢雇之月二十是爲踐更也雖丞相子亦在戍邊之調不可人人自行三日戍又行者當自戍三日

不可往便還因便往一歲一更諸不行者出錢三百入官以

給戍者是謂過更也

通考卒更者正身供正役也踐更者以錢雇直所直者內地其役一月其錢則

不行者月以錢雇代行者過更者亦以錢雇直所直者邊

其役三日其錢則不行者輸之縣官縣官以給代行者但所

謂一歲而更者是漢書音義邊方備警急作高上臺上作

併往回行程言之 桔槔桔槔頭有兜零以薪草置其中常低之有寇卽然火舉

之以相告曰烽又多積薪寇至卽燔之望其煙曰燧燹則燔

燧夜乃舉烽

後魏延興三年十月詔州郡之民十丁取一以充行伍收租

五十石以備軍糧 承明元年六月甲子詔分京師見兵爲

三等第一軍出遣第一兵二等兵一如之 太和二十年十

月戊戌以代還之士皆爲羽林虎賁

後周武帝克齊後并相二州各置六府西東北別爲七總管

隋龍泉郡開皇四年置西汾州總管五年改爲隰州總管府
雁門郡開皇五年置代州總管府 定襄郡開皇五年置
雲州總管府 太原郡開皇二年置河北道行臺九年改爲
總管府 隋文帝以并益荆揚四州置大總管 義甯元年
十一月太原置鎮北府

唐武德初始置軍府 貞觀十年更號統軍爲折衝都尉別
將爲果毅都尉諸府總曰折衝府河中府河東郡府三十三
晉州平陽郡府十六絳州絳郡府三十三慈州文城郡府三
鳳州大甯郡府六太原府太原郡府十八汾州西河郡府十
二沁州陽城郡府二遼州樂平郡府三嵐州樓煩郡府一石
州昌化郡府二忻州定襄郡府四代州雁門郡府三路州上
黨郡府一澤州高平郡府五陝州陝郡府十五

秦唐制府兵
隸於今山西

疆域者業一百四十有二又陝州十五府 潞州長從兵蒲
亦多隸焉而折代北諸軍尙不隸府兵籍

州曠騎萬二千三百絳州曠騎三千六百晉州曠騎千五百
陝州曠騎六百 唐初兵戎大日軍小日守捉日城日鎮而
總之曰道軍城鎮守捉皆有使而道有大總管旋更爲大都
督其後都督帶使持節者始謂之節度使景雲二年遂置河
東節度至開元時朔方隴右河西河中諸鎮皆置節度使
河東節度使理太原府管兵五萬五千馬萬四千匹衣賜百
二十六萬段匹軍糧五十萬石統軍四守捉一郡三 天兵
軍在太原府城內大厯二年置管兵二萬人馬五千五百匹
突厥九姓內屬處太原北并州刺史張嘉貞請置天兵軍
殺護其眾卽以嘉貞爲天兵軍使 大同軍雁門郡北三百
里調露中突厥南侵裴行儉開置管兵九千五百人馬五千

五百匹南去理所八百餘里 橫野軍安邊郡東北百四十

里開元中河東公張嘉貞移置管兵七千八百人馬千八百

匹西南去理所九百里 岢嵐軍樓煩郡北百里長安中李

迴秀置管兵千人東南去理所二百四十里 雲中郡守捉

管軍七千七百馬千二百匹東南去理所八百里

崇郡字衍地理志在

單于府西北二百七十里 定襄郡管兵三千人去理所百八十里

舊唐志管

兵七千 雁門郡管兵四千人去理所五百里 樓煩郡管

兵三十人東南去理所二百五十里 東受降城管兵七千

人馬一千七百匹在勝州東北二百里

元和志東受降城在勝州榆林縣東北八

里 振武軍管兵九千人馬一千六百匹在黃河東都護府

城內東北至朔州三百五十七里

案東北當作東南

雲伽闕舊唐

書長慶二年七月分振武置加鎮兵千人 代北行營河東

山西通志卷之十一
節度使范希朝料沙陀勁騎千二百號沙陀兵元和中節度使王鐔請建十府處之太和中節度使柳公綽奏廢十府料部人三千號代北行營

宋乾德二年詔遼州降軍宜以效順懷恩爲名又乾德中選嵐州歸附兵爲河南驍捷太平興國四年遷雲朔州民於西京許汝爲家戶馬置清朔擒戎指揮是年征太原得上軍天禧四年併入外殿直班雍熙三年拔飛狐靈邱得其降卒立歸遠咸平四年六月以河東州兵爲神銳二十四指揮神虎十指揮又升石州廳子軍爲禁軍又以虎威十指揮隸虎翼景德四年詔河東廣銳神銳神虎軍以見存爲定額缺則補之是年五月滅并代戍兵屯河東以省饋運仁宗天聖至寶元間增置河東清邊弩手等總百餘營康定

時趙元昊反西邊用兵升并州充戎騎射麟州飛騎府州威遠嵐府州建安等皆爲禁兵凡增數百營又河東等路各募宣毅大州二營小州一營營凡三百八十人岢嵐軍別置壯子弩礮手 康定元年六月增置陝西河北河東京東西弓手時神銳忠勇廢已久而忠順保毅僅有存者康定初詔河北河東添籍強壯河東凡十四萬四千皆以時訓練河東轉運使文彥博奏康定元年差吳中路等於河東點差強壯共十四萬三千餘人多而不精頗妨奪農事 慶厯二年籍河東強壯以十之七爲義勇盡抄民丁增廣其數揀刺胥如河北法 慶厯三年選河北河東強壯爲義勇抄民丁涅手背戶三等以上置弩當稅錢二千三等以上官給各營於其州歲教練給俸廩犯罪斷比廂軍下番比強壯 治平初遣使

分募河北河東陝西京東民爲本城兵遇就糧禁軍闕選補

治平八年詔忻代州諸砦以禁軍代廂軍 熙甯元年十

月樞密院請陝西河東選三班使臣及士人任殿侍者以爲

河北諸路指揮教習騎軍 熙甯二年四月詔河東陝西諸

路舊制馬軍自十月一日馳射野戰至穀日止塞上地涼自

今教起八月止五月一日 熙甯三年河東等路禁軍撥併

立額詔陝西就糧禁軍額十萬人方用兵之初其令陝西河

東亟募士補其闕是年上親閱河東所教排手進退輕捷不

畏矢石遂詔殿前司步軍指揮當出戍者櫜槍刀伉健者百

人教如河東法 元豐五年命河北河東兵更戍舊制河北

兵馬不出戍帝慮其驕惰始命河北河東兵更戍減其一歲

以優之 元祐二年復增置河北河東陝西府界馬步軍二

月詔陝西河東行策應牽制法 元祐七年河東陝西詔路帥敢勇以一百人爲額專隸經略司 紹聖四年詔陝西路添置番落軍十指揮各以五百人爲額於河東置兩指揮隸統制訓練又詔河東路總管司那融替換上番兵馬無令戍邊日久致有勞弊如無人替換候春月事宜稍息卽先後上番四將抽減一番兵馬歸營 元符元年詔配隸皆配陝西河東爲廂軍 宣和二年詔河北軍馬與陝西河東更戍三年罷其令

遼統和十三年七月壬戌詔蔚朔等州龍衛威勝軍更戍清甯四年三月戊寅募天德振武東勝等處勇捷者籍爲軍 天慶六年六月乙丑籍諸路兵有雜畜十頭以上者皆從

軍

金大同府西京留守司皇統三年以西京及山後諸部族隸元帥府舊置兵馬都部署司天德二年改置本路總管府後更置留守司西京路世襲蕃巡檢月支錢二貫三百九十文米四石五斗絹三匹 豐州天德軍節度使皇統九年升爲天德總管府置西北路招討使以天德尹兼領之大定元年降爲天德軍節度使兼豐州管內觀察使以元管部族直撤軍馬公事並隸西南路招討使 雲內州開遠軍節度使天會七年徙奚第一第三部來戍 甯邊州金初置鎮西軍貞祐四年升爲防禦河東北路世襲蕃巡檢月支錢粟一十貫石絹二匹縣一十兩 天德二年九月置統軍司於山西路以元帥府都監監軍爲使 大定五年西北路招討司置於應州西南路招討司置於桓州以重臣知兵者爲使列城堡

蒙精戍守爲永制 貞祐三年八月戊申太原潞州置元帥府 興定二年升絳州爲晉安府總管河東南路兵馬 金邊鎮置兵之州三十八置兵於要州者十一河東三虞候順德軍與諸路效節軍同掌弓手

元太宗七年七月僉西京平陽太原路人匠充軍命管匠頭目自識匠外通驗丁數每二十人出軍一名 中統三年三月詔平陽太原等路所等探馬赤軍乙卯歲籍爲民戶及僉充軍者壬寅甲寅僉軍入冊籍者令隨各萬戶依舊出征其或未嘗爲軍及蒙古漢人內民戶作數者悉僉爲軍 至元十二年六月僉平陽西京等路達魯花赤弟男爲軍 十四年正月詔西京等四路編民捕獺等戶僉選丁壯軍二千人防守上都 十六年十一月罷太原西京諸路新僉軍還籍

調江南新附軍五千駐太原

明初大同止設都司故軍馬隸衛至宏熙以後始設總兵副將遊擊等官糧雖衛而馬軍列伍易衛以營 總督宣大軍

務都御史景泰年置陽和朔州亦有署 山西鎮巡撫山西

地方贊理軍務都御史宣德間置駐省城防秋駐代州標下

營遊擊一員把總一員旗鼓千戶一員參將營在都司治東

設參將一員指揮同知一員左哨千戶一員把總三員右哨

千戶一員把總三員三關鎮守總兵官一員嘉靖二十二年

置先是宣德四年置總兵官駐偏頭成化十八年罷總兵官

置分守參將宏治十四年復罷參將置協守偏關副總兵官

甯武隸焉至是移鎮甯武稱鎮守鑄印建節與宣大同參將

五員分駐省城代州偏關利民堡北樓口守備十員分駐廣

武偏頭平刑神池利民八角老營北樓西黃河鎮西衛 大
同鎮巡撫大同地方贊理軍務都御史永樂六年置天順元
年罷二年復設駐大同大同鎮守總兵官一員永樂七年置
佩征西將軍印駐鎮城協守副總兵官一員宣德七年置同
總兵官駐鎮城後駐左衛參將九員分駐中路東路西路北
東路北西路新平路威遠路井坪路南路遊擊將軍六員以
時應援守備四十二員分駐懷仁朔州馬邑應州山陰渾源
靈邱陽和天城左衛右衛威遠平魯井坪新平守口靖魯鎮
邊鎮川宏賜鎮羌鎮魯聚樂高山拒牆助馬滅魯威魯甯魯
雲石破虎鐵山威虎迎恩將軍會瓦窰口平遠保平三十八
城堡協守都指揮一員宏治十五年置駐平魯操守二十四
員分駐許家莊廣靈鎮河王家莊破魯保安雲西雲岡牛心

馬堡殘虎威平紅土黃土祁家河靈陽敗虎阻虎西安乃河
鎮門鎮口永嘉鎮甯二十四城堡防守三員分駐三屯馬營
河樺門三堡 原額官軍共八萬四千二百五十六員名

右歷代兵制